



Ministerio  
de Educación

Dirección Regional  
de Educación  
Huancavelica

*Inspirando confianza  
con trabajo articulado,  
innovación y vocación de servicio*

*Dirección Regional de Educación de Huancavelica*  
**Dirección de Gestión Pedagógica**

# LA HORA DE LA LECTURA FAMILIAR

**¡UNIDOS por una mejor  
EDUCACIÓN!**

**Atuqmi runa  
kayta munan**



**I QILQA  
Runa simipi**

**Con preguntas según desempeños CNEB**

*Lectura online*

**SECUNDARIA**

**HUANCAVELICA - 2023**

## **COMPETENCIA:**

**Lee diversos tipos de textos escritos en lengua materna.**

### **PROPÓSITO DE APRENDIZAJE:**

Estimado estudiante, al leer el texto narrativo, “Atuqmi runa kayta munan”, te encontrarás con un mundo mágico y maravilloso de la cosmovisión andina, narrado amenamente en lengua originaria por Juan Espinoza Chinchón, con algunos arreglos por motivos didácticos. Puedes emplear la estrategia del subrayado para localizar las ideas principales y las palabras claves.

Leer en quechua te ayudará a mejorar tus habilidades de lectura oral y comprensión lectora, ampliarás tu vocabulario y además fortalecerás tu identidad sobre nuestro idioma originario. Yo sé que tú puedes, este es un reto para ti.

# **Atuqmi runa kayta munan**

Sapa punchawsi, Juansitucha warma ushanta Aurahua urqu puntanpi michin.

Chayhina, huk punchaw, purunman ushanta qatichkaptinsi qunqaypi huk suwa atuq qasapi rikuriykarqamun, hinaspas llapa uywanta mancharqachin.

Chaysi Juansituchaqa qaparispan warakanwan warakananpaq pawan. Chayhinachkaptinsi, atuqqa rimariykarqamun:

—¡Juansitucha, rimakuykullayki!

Juansituchaqa manas warakayta atipanchu. Rumi hapikusqas wakman kayman qawakachakun. Atuqqa yapamantas rimariykarqamun.

—Juansitucha, ¿imaynallataq kachkanki?

Juansituchaqa manas imaniyta atiparqunchu. Rumihinas rumiyarqun. Mana kuyuya atipaspas, mana rimariyta atipaspas, kikillanpi rimapakun: “¿Imaynataq suwa atuqqa rimayta yachan? ¿Ima uywachik? Atuqchuqaya kanman, ¿satanas imachik?”

Warmaqa chukchustinsi musuqmanta kikillan tapukun: “¿Imanasaqtaq?” Chaymantas kallpanchakuspan qaritun, hinaspas:

—¿Pitaq kanki? Ha —nispa tapuykun.

Ushakunañataqsi huñunakuykuspanku suwa atuqtaqa qawanku.

—Juansitucha, ¿manachu riqsiwanki?

Chay rimaq uywata qawaspas huk pichiwsachapas rumipa hawanpi sayaykuspa takiykun.

Juansituchaqa manas umanchayta atipanchu. ¿Imaynataq suwa atuqqa rimanqa?, nispas yapamanta tapukuykun.

—Juansitucha, ñuqaqa atuqmi kani.

—¿Imaynataq rimaytaqa yachanki? —nispas tapun.

Juansituchaqa manas uywakuna rimaqtaqa qawanchu; chayraykus mana sumaq umanchayta atipanchu.

—Ñuqaqa tayta Wamaniwan rimaykuspaymi hamuchkani.

—¿Imayna? —nispas yapamanta tapun.

—Chisi tutam, tayta Wamaniman asuykurqani, Juansitucha. Pampachaykuwanki, ichapas pantachkani. Tayta Wamanim tapukuykullawarqa, ćimatam munanki, suwa atuq?, nispa. Chaymi ūuqaqa kutichirqani, manchakustin: Tayta Wamani, mañakullasqayki, ćimaynataq sumaq atuqcha kayman manaña runakuna chiqniwananpaq? Tayta Wamaniqa kukachanta akuchaykuspanmi, lliptachanta kachuchaykuspanmi kutichiwarqa: Mana suwa atuq kanaykipaqla, kikillaykipim munasqaykiqa kachkan. Manam pipas tanqaykusunkimanchu suwa atuq kanaykipaqla. Kikillaykim munasqaykunapi purinki. Chaymi ūuqaqa qunquriyuskuspa tayta Wamanitaqa mañakurqani, amahina kaspayki rimayta quykullaway llapa runakunawan rimaykunaypaq, nispay. Chaymi tayta Wamaniqa, rinriyta hapiykuwaspan niwarqa: Yanqallaraqtaq pinqaypi wichiyyuwaq. ćUyarichkankichu?, nispam rinrichallaya chutaykuwarqa. Chaymi, Juansitucha, qanwan rimaykunaypaq suyachkarqayki.

—¿Imamantataq ūuqawan rimayta munanki, suwa atuq?, nispas Juansituchaqa mana mancharispaña tapuykun.

—Ñuqaqa tayta Wamanitam rimay yachanaypaq mañakurqani. Kayyaya rimaytaqa quykullawanña, chaymi riqsikullani. Qamqa tapukuchkankichik, Juansitucha, ćimapaqtaq rimayta mañakurqa kay suwa atuqqa?, nispa.

—¡Arí! —nispas apurayllaman Juansituchaqa rimarin.

—Kayyaya tayta Wamaniqa munasqayta quykullawan. Qamwan rimarinaypaqmi mañakullarqani.

—Manam imatapas rimachwanchu ūuqawanqa...

—Allinmi mana munasqaykiqa, sumaqtam hamutachkanki. Chayqa allinmi, Juansitucha.

Llapa ushapas chiqirispas mikuya qallaykunña. Qillu-qillu urqutas wikuñapas siqachkan. Pichiwsachapas pawarispas ripukun.

—¿Imayna?

Atuqqa Juansituchapa allquchanhinañas asuykuspan rimarin.

—Juansitucha, mañakullasqayki.

—¿Imata?

—Yachaykachillaway.

—¿Imatataq yachachisqayki? Manam imatapas yachanichu.

—Qamqa yachankim, qillqa maytu ūawichayta.

—Ñuqapas yachapakuchkaniraqmi.

—Iskayninchikqa allintapascha yachaykuchwanchik.

—¿Imapaqtaq yachayta munanki?

—Runa kaytam munani, paykunawan rimanaypaq.

—¿Runa kayta?

—Arí. Qamkunahina kawsakuytam munani. Mana chiqnisqa. Allin puñusqa. Allin mikusqa.

—¿Imayna?

—Chaymi ūuqaqa runa kayta munani, llaqtaman ripukunaypaq, mana chiri urqukuunapi yachachkanaypaqña.

—¿Imakunatawantaq munanki?

—Qamhina pachakusqa puriytam.

Juansituchaqa uwihanta warakanwan huñupaykuspas rimariyku.

—Ñuqaqa tukuy sunquyanmi, ama runa kayta munaychu, nispa niyki.

—¿Imanasqa?

—Llapa runakunaqa manam qam hamutasqaykihinallachu. Chaymi llapa sunqullaywan rimaykusqayki, sumaqchata uyariykuway: Llapa runakunaqa kanmi imaymana kaqkunapas. ¿Imaynataq chayqa ninkichik? Kay tiqsi muyuyninchikpim suwakuna kan. Ama manchariychu. Chay suwakunaqa qilla qillam, chaymantaqa puraminti llulla lluraraqtaq. Hukkunañataqmi puraminti llunku, chakiykita llaqwaylla llaqwasunki. Kanmi kikillanpaq munaqkunapas. Llaqtata chayaykuspaykiqa tariqaqmi achka runakunata yarqaymanta hakapakuqkunata.

—¿Imayna? ¿Chayna kanmanchu runakuna? Achachalláw. Mancharichiwankim.

—Chaynam. Chay sumaq pachayuqkunaqa puraminti mana sunquyuq. Supaypa wawanpas allinraqmi.

—Juansitucha, imatam rimanki.,

—Chaymi niyki, atuqcha, ama runa kaytaqa munaychu. Waqastinchik puriwaq. Llakipi yarqaymanta.

—Amayá mancharichillawaychu.

—Manam ñuqaqa mancharichiyyichu. Chaynam llaqtapi runakunaqa, puraminti mana umayuq, mana sunquyuq kanku.

—Chayna kaptinqa kutikusaq may hamusqaymanta.

—Allinmi, atuqcha, kutikuy.

Witiss nispas atuqchaqa ichupa chawpinta ripukun. Juansituchañataqsi millmiyta gallaykun...

Tayta Juan Luis Espinozapa  
qillqamanta allicharisqa

## LLAMKAYKUNA

**Ñawichaspa tapuykunata allinta kutichiy.**

**Qillqapi tarikusqanmanhina kutichiy (Nivel literal)**

**1. Kay qillqa tukuya, ¿atuq, runaman tikrakunchu? (Qillqapa mayninpitaq nichkan)**

- a) Manam tikrakunchu.
- b) Arí, tikrakunmi.
- c) Manam runamanchu tikrakun; alluchamanmi tiykrakun.

**2. Kay qillqapi, ¿pitaq atuqta runakananpaq kamachin? (Maypitaq nichkan)**

- a) Tayta Diosmi
- b) Tayta Wamanim
- c) Juansitucham

**3. Huk amawtam kayhinta rimarin:**

“Uywakunaqa, runamantapas aswan kusim yachanku; chaymi ñuqaqa uywa kakuyman nispa nini. Runakunaqa aswan uywamantapas llumpay wiyum kanku”.

Kay amawtapa nisqan, ɿpipa umanmantaq tinkun?

- a) Atuqchapa umanman
- b) Juansituchapa umanman
- c) Tayta Wamanipa umanman

**4. Kay qillqapi, ɿpitaq atuq rimaqta qawaspan takiykun? (Maypitaq nichkan)**

- a) Wikuñam
- b) Usham
- c) Pichiwsam

**Qillqamanhina hamutaspa kutichiy (Nivel de inferencia)**

**5. Willakuymahina, ɿimatataq atuq munan? (Qillqapa mayninpitaq kallpachakunki)**

- a) Juansituchawan rimayta
- b) Suwakasmanta wanakuya
- c) Runahina kayta

**6. Kay qillqapi, atuq, ɿimaraykutaq runa kayta munan? (Qillqapa mayninpitaq kallpachakunki)**

- a) Llaqtata ripukuspan mana chiri urqukunapi yachananrayku.
- b) Runahina qasi kawsakunanrayku.
- c) Tayta Wamanipa kamachiynin ruwananrayku.

**7. ɿimatataq kay qillqa ruwaq munan? (Qillqapa mayninpitaq kallpachakunki)**

- a) Imayna atuq runaman tikrakusqanmanta yachachiytam munan.
- b) Runakuna allin kawsayta tarinankumanta yachachikuytam munan.
- c) Uywakunahina allin kawsananchikpaq yachachikuytam munan.

**8. Kay qillqapi, ɿima yachaykunataq mana tinkunchu? (Qillqapa mayninpitaq kallpachakunki)**

- a) Uywam runakayka munan; runañataqmi mana runakayta allinpaqchu qawan.
- b) Uywam purunpi yachan; runañataqmi uywata michin.
- c) Juansitucham ushachankunata urqu puntanpi michin; mayu wayqupiñataqmi yakuta upyachin.

**9. Kay qillqamanhina, atuq, ɿimaynataq? (Qillqapa mayninpitaq kallpachakunki)**

- a) Mana atichkaspa runa kay munaq.
- b) Yachaysapa, huk kawsaykuna maskay munaq.
- c) Yachaysapa, allin kawsakuylla munakuq.

### **Qillqamanhina hamutaspa kutichiy (Nivel de criterio)**

10. Qampaq, ¿allinchu kay atuq runakay munasqan? ¿Imaraykum ninki?
11. Warma masiykikuna, ¿kay qillqata allinpaqchu qawanmanku? ¿Imarayku?
12. ¿Ima rikchaq qillqataq kay? ¿Imaynanpi ninki?

## **LECTURA ONLINE**

Estimado/a estudiante de la región Huancavelica, este domingo 23 de abril, de 8.00 a 10:00 a.m., participa en la radio para que des tus respuestas a las preguntas de este texto. Llame a los teléfonos: 067-452463, 067-452465 o al celular 915141014. Y si talvez no logras participar en radio, puedes escribir tus respuestas a través de un mensaje de texto por el FACEBOOK de Radio Studio1 Huancavelica, siempre dentro del horario arriba indicado.

Y si no puedes participar, porque no es el turno de tu UGEL o por alguna otra razón, tienes la oportunidad de enviar tus respuestas a través de la **LECTURA ONLINE (lectura en línea)** o **FORMULARIO GOOGLE** durante toda semana. El plazo es hasta el día domingo 23 de abril, 1.00 p.m. Apenas ingresas tus respuestas por tu celular o **TABLETA** sabrás automáticamente cuáles preguntas acertaste y cuáles, no.

**¡NO PIERDAS ESTA OPORTUNIDAD!**  
**DESAFÍA TUS APRENDIZAJES**

Presiona este enlace para responder en el **FORMULARIO GOOGLE**

<https://forms.gle/vf4SpoeySfuuAEVJ8>

14/04/2023